

TABELA HAHALOK ASÉDIU SEKSUÁL¹

NOTA IMPORTANTE




Aktu asédiu seksuál sempre konsidera hanesan ofensa dixiplinár,

bazeia ba Estatutu Funsau Públiku no nia regulamentu kona-ba Prevensau no Trata ho Asédiu Seksuál. Ida-ne'e signífika katak asédiu seksuál representa violasaun hasoru devér jurídku hosi funsióriu ka pesoál funsau públiku sé-sé de'it, no, nune'e bele hetan konsekuénsia dixiplinár.




Aktu asédiu seksuál dalaruma hanesan krime,

sei depende ba sirkunstánsia ka situasaun espesífiku. Hahalok sei konsidera krime bainhira sériu liu no lori rezultadu ho natureza kriminál. Krime sira ne'ebé asédiu seksuál define ona iha Kódigu Penál. Responsabilidade kriminál tenke determina hosi tribunál sira, no bazeia ba akuzasaun hosi prokurador.



Kódigu Penál inklui krime ho natureza oin rua: públiku ka semi-públiku.

- **Krime semi-públiku:** vítima tenke halo kesar, kesar ne'e sai nu'udar kritériu formál atubele lori responsabilidade kriminál hosi autór/infratór.
- **Krime públiku** sei lori ba Tribunál, mezmuké laiha kesar hosi vítima. Ida-ne'e tanba krime públiku konsidera sériu liu duké krime semi-públiku.



Aktu asédiu seksuál sira bele rezulta indemnizasaun (kompensasaun) sívil,

depende ba sirkunstánsia. Indemnizasaun sívil ba hahalok ka asaun sira iha bainhira asaun espesífiku rezulta lezaun (ka impaktu negativu) ka halo aat ba ema ida tuir Kódigu Sívil (artigu 417 no liu). Regra ba iha kazu sívil mak kesar-na'in iha mak iha ónus prova nian, ker dizer, kesar-na'in mak iha responsabilidade atu hatudu katak hahalok refere (asédiu seksuál) la loos, halo aat no iha ligasaun entre hahalok ne'e no aat ka lezaun.

HAHALOK IHA LISTA IHA KRAIK REPRESENTA REZUMU HOSI TIPU ASÉDIU SESKUÁL

| KATEGÓRIA | HAHALOK | EZEMPLU HOSI ASAUN | ESTATUTU KÓDIGU PENÁL (POTENSÍAL) | NATUREZA KRIME NIAN |
|--------------------|---|--|--|---|
| FÍZIKU | Relasaun seksuál (hola malu) | Ezije atu halo relasaun seksuál (inklui seksu orál) | <ul style="list-style-type: none"> ● Violaun Seksuál (Kódigu Penál, art. 172) ● Abuzu seksuál hasoru menór (labarik idade tinan 14 ba kraik) (Kódigu Penál art. 177) | Públiku |
| | Aktu fíziku ho karaktér ka natureza seksuál | Obriga atu rei, hakohak, kaer ema seluk nia isin, kous, kose parte isin kona vítima nia isin; infratór husu ka ezije ema seluk atu kaer nia orgaun seksuál | <ul style="list-style-type: none"> ● Koersaun seksuál (KP art. 171 KP) ● Abuzu seksuál hasoru menór (labarik tinan 14 ba kraik) (KP art. 177)) ● Aktu seksuál ho adolexente (KP art. 178) | Públiku |
| | Intimidasaun fíziku ka hafreun (prevene ema atu hasees an) | Sadere an hodi kona vítima nia isin kontra nia hakarak; dudu ba didin-lolon ka fatin seluk; prevene vítima atu bele book an (hafreun vítima); halo susar ba vítima atu sai ka hasees an hosi nia fatin (hafreun) | La'ós sempre krime Konstitui krime bainhira: <ul style="list-style-type: none"> A Halo ho ameasa (ameasa – KP art. 157); ka B Komete ho abuzu podér ka fasilita liuhosi abuzu podér (uza podér públiku atu hetan benefísiu ba an rasik (ka ba ema seluk) ka halo aat ba vítima (ka ema seluk) (abuzu podér – KP art. 297) | Semi-públiku Públiku |
| VERBÁL KA HAKERREK | Komentáriu seksuál (verbál ka hakerek) | Halo lian re'i, ka hakfu'ik, namora/gaba, halo komenta kona-ba atributu fíziku, kumprimenta ho natureza/karaktér seksuál, haruka mensajen ho konteúdu seksuál (WhatsApp, Facebook, SMS, e-mail, karta ka nota) | Karik la'ós krime Sai ona krime bainhira: <ul style="list-style-type: none"> A Akompañia ho ameasa (ameasa – KP art.157); ka B Uza podér atu hetan benefísiu ba an rasik (ka ba ema seluk) ka halo aat ba vítima (ka ema seluk) (abuzu podér – KP art. 297) | Semi-públiku Públiku |
| | Lori no fahe rumór ho natureza seksuál | Lori ka ko'alia rumór kona kona-ba vítima nia moris seksuál; inventa istória ka halo komentáriu iha públiku ho natureza seksuál | La'ós sempre krime Konstitui krime bainhira: <ul style="list-style-type: none"> A Divulgasaun públiku hosi informasaun relasiona ho ema ida nia moris privadu no/ka atividade seksuál la'ós nia konsentimentu (devasa - KP art. 183) Observasaun: defamasaun (estraga ema nia naran dí'ak ein jerál) lori de'it indemnizasaun sívil | Semi-públiku |
| | Presau atu ba pasiar hamutuk ka namora-malu (ka atu halo relasaun ho natureza íntimu) | Husu beibeik atu namora, haruka mensajen, husu ema seluk atu fasilita namora-malu | La'ós sempre krime Konstitui krime ida bainhira: <ul style="list-style-type: none"> A Akompañia ho ameasa (ameasa – KP art. 157); ka B Komete liuhosi ka fasilita liuhosi abuzu podér (uzu podér públiku atu hetan benefísiu ba an rasik (ka ema seluk) ka halo aat ba vítima (ka ema seluk) (abuzu podér – KP art. 297) | Semi-públiku Públiku |
| VIZUÁL KA JESTU | Hatudu ka haruka materiál ofensivu ka seksuál | Hatudu ka haruka imajen/dezeñu pornografia ka seksuál | La'ós sempre krime Konstitui krime ida bainhira: <ul style="list-style-type: none"> A Akompañia ho ameasa (ameasa – KP art. 157); ka B Komete liuhosi ka fasilita liuhosi abuzu podér (uzu podér públiku atu hetan benefísiu ba an rasik (ka ema seluk) ka atu halo aat ba vítima (ka ema seluk) (abuzu podér – KP art. 297) | Semi-públiku Públiku |
| | Exibisionizmu | Hatudu órgaun seksuál (inklui susun bainhira fetu mak infratór/autór), Masturbasaun ka kose órgaun seksuál iha oin ka besik ema seluk | <ul style="list-style-type: none"> ● Exibisionizmu seksuál (KP art. 181) Konstitui krime bainhira: <ul style="list-style-type: none"> A Akompañia ho ameasa (ameasa- KP art. 157); ka B Komete liuhosi ka fasilita liuhosi abuzu podér (uzu podér públiku atu hetan benefísiu ba an rasik (ka ema seluk) ka atu halo aat ba vítima (ka ema seluk) (abuzu podér – KP art. 297) | Semi-públiku Semi-públiku Públiku |
| | Jestu seluk ho natureza seksuál | Halo jestu seksuál ho liman ka parte seluk isin nian, inklui jestu ne'ebé hatudu masturbasaun | Karik la'ós krime Sai krime bainhira: <ul style="list-style-type: none"> A Akompañia ho ameasa (ameasa – KP art. 157) ka B Uzu podér atu hetan benefísiu ba an rasik (ka ba ema seluk) ka atu halo aat ba vítima (ka ema seluk) (abuzu podér – KP art. 297) | Semi-públiku Públiku |
| | Publika ema nia atividade seksuál la'ós nia autorizasaun | Publika vítima nia atividade seksuál liuhosi média saida de'it (n.e. video no foto) la'ós nia autorizasaun | <ul style="list-style-type: none"> ● Divulgasaun públiku hosi informasaun kona-ba ema ida-nia moris privadu nomós/ka seksuál la'ós nia konsentimentu (KP art. 183) Mós konstitui krime ida: <ul style="list-style-type: none"> A Akompañia ho ameasa – KP art. 157); ka B Komete liuhosi ka fasilita liuhosi abuzu podér (uzu podér públiku atu hetan benefísiu ba an rasik (ka ba ema seluk) (abuzu podér – KP art. 297) | Semi-públiku Semi-públiku Públiku |

1. Análize halo liuhosi Jurídika Sosíal



WITH SUPPORT FROM

